

# Michlbauern - Rud

Rudenkirtag Sierning Faschingdienstag 13.2.2018



<p>da neiche Rudenobmaun Hundsberga hot mit sein Zinshaus nur Ärga vier Rohrbrüche letzt's Johr gengan auf d`Nervn gaunz klar so a Wossaschodn ein Maleur s`Haus is genau so oid wie er de oide Hitn, haums bericht is im oban Stock net gaunz dicht</p>	<p>En Reifn Brucki hots zrissn hot des Haundtuach gschmissn Wintareifn vakafanse schwer Keuream braucht koana mehr hotse Johrzehnte net vawaundlt woi min foischn Gummi ghaundlt mit Latex, Dildo und Präsavativ was Gschäft heit nu atraktiv</p>
<p>Wetkulturerbe is da Rudenkirda kost vü Göd des woas a niada s`Kommite streckt sich noch da Deckn s`Laund muas sporn aun ollen Ecken kimmt da Laundeshauptmau next's Johr sitzta nimma vorn des is klar huckt gaunz hint und horcht varenkt wei Kortn kriegta nimma gschenkt</p>	<p>A Dorfchronik hot Schiedlberg wundaschön, is hauma khert gaunz vorn a Foto vom schönen Ort mita Goidhaumgruppn gehts daun fort d`Musi Feiwehr a dabei siacht oba nimma so vü glei fian Burgamoasta, mir sogns vazwickt haums hint a poor Seitn einipickt</p>
<p>En Gesundheitsminister miasma sogn d`Hauskaunknpflege hot eigeschlogn sie kocht, putz und kümmat se toll um de oidn Baunleit liebevoll damit se da Junge net aufregt wird a ER rundum gepflegt de Damen aus der Slowakei san im Vahötnis gor net tei</p>	<p>So mauncha Jungbau is a orma Hund weu d`Mama is nu pumpalgsund drum kummt a aus da Slowakei die Kraunkenpflege net vorbei de wernse nia oane findn wauns nix gibt zan vabindn er wird nia kriagn seine Braut weu d`Mama is a zache Haut</p>
<p>D`Heumüch is da letzte Schrei do is da Kögi vorn dabei oba weis beim Heign oft hunst wird des a zur Kunst gscheit belüftn und umkehrn do muas des Fuado doch wos wern so hobis glesn in de Biacha sogt da van Goch vo Woidneikircha</p>	<p>beim Schreckseis sans zaumzuckt do spüd d`Natur varuckt da Worz und Gerstn wochst wia bled da Mais 4 Meta hoch steht a jede Sau hot 19 Fakl glei 9 Jungi kriagt da Dackl in 6 Wochn do haums d`Augn vdraht worns Oma und Opa hiatzt sans stad</p>
<p>Da HC Strache kau durchschnaufa kau im Wirtshaus weidaraucha hot gaunz offn und ungeniert en Kaunzla kurz inhaliert hotn odet und zaumgfuzlt en sein Tschik einigwuzlt zindtas au rauckts gaunz blau oba d`Fingan san brau</p>	<p>Da Püz woas nimma genau wosa gmocht hot mit dera Frau aum Rudenkirda hotse Koane beschwert zumindest mir haum nix khert wos ma g`segn haum de letztn Johr wor maunchesmoi zimlich klar so maunche Gschäftsrau lost se aubrotn de darat sicha koan varotr</p>

# Michlbauern - Rud

Rudenkirtag Sierning Faschingdienstag 13.2.2018

<p>Glyphosat des kinnts uns glaubn Des Zeig des kaust zan Täufi haun Johrelaung wird diskutiert Ois unbedenklich deklariert Se haums söba schau kost Soi gsund sei wie da Most Drum kehrt en Brüssl ois Pausngetränk Rouaundup ausgschenkt</p>	<p>Da Kern in Opposition hot nix mehr zren und stüchit schon er ois Obmau seina Portei fohrt min Zug kostenfrei vor da Woi schreida bled hoitseich wos eng zuasteht a Lohnerhöhung nur fia eam des san de Gauna vo Wean</p>
<p>Hoibat Oscha kimmt uns via kreut zan Dokta Peda auf olle 4 Gott sei Dank is jetzt de Praxis doppelt besetzt Tochta behandelt Mau und Kind seither geht des a gschwind de oidn Weiba gengan zan Peda der sudat mit eana übas Weda</p>	<p>Da Adi und Hubertus haum ungeniert wieda a Föd zuabetoniert de neiche BBK is a Hoizbau so a jaumma en Bodn wern d'Mäus einzichn d'Fasad wern d'Vögi vanichn da Wurm is sicha schau drei do ziagt da Schilli glei net ei</p>